




Sor sēn
dadb
Wēnnaam
nengē



© 2011 World Missionary Press, Inc.. Meryl Esenwein art on pages 10, 12, 14, 16, 27, 29, 39, 41, 42, 44, 46, 47, and 48.
The Bible text used is from the WENNAAM SEBRE Bible. © 2014 Alliance Biblique du Burkina Faso.
Used by permission.

WĒNNAAM NAANA TŌND DŪNIYĀ 1 NE BŪMB NINS FĀA SĒN VI WĀ

Singr wēndē, Wēnnaam naana yīngr la tēnga.

—Singre 1:1

Bala, bāmb n naan bŭmb nins fāa sēn be yīngr wall
tēng zugu. —Koloos-rāmbā 1:16a

Bi Sēn-Ka-Saab sēn yaa yīngr la tēng naandā ning
yāmb barka! Yīngr yaa Sēn-Ka-Saab n so, la b rika tēngā
n kō ninsaalbā. —Yun-sōamyā 115:15, 16

Wēnnaam sēn da wa n kō tēngā ninsaalā, dūniyā da yaa
sōama zāng fast. Karm-y seb-kāngā n bāng bŭmb ning sēn
maana.



Dē, Wēnnaam yeelame: «D maan ninsaal t'a yu wa tōndo, n tar tōnd wēnego. Bɪ ninsaal soog...dūniyā gill fāa....»

—Singre 1:26

NINSAAL LEBGA NIN-VUUGA

3

Wēnnaam Sēn-Ka-Saab yāka tēngā tom n maan nin-saala. La Wēnnaam fousa ninsaal yō-bogdā puga, n ning vum ninsaal pugē. La ninsaal lebga nin-vuuga.*

—Singre 2:7

Wēnnaam Sēn-Ka-Saab yeelame: «A ka neer ti ninsaal zīnd a yembr ye. Mam na n maana sōngd sēn wēnd yēnda n kō-a.» Woto, Wēnnaam Sēn-Ka-Saab kitame ti gōe-kāseng yōk ninsaal t'a gūsi. Dē, Wēnnaam yāka ninsaal sīif kōbr a yembre, la b lebs nemdā n page. Wēnnaam Sēn-Ka-Saab rika sīifā kōbr ning bāmb sēn yāk ninsaalā sīifē wā n naan pag n tall-a n wa ninsaal nengē.

—Singre 2:18, 21, 22

*Nin-vuug dat n yeelame ti zīig n be tōnd sēn na n vumd be wakat sēn ka seta.

4 A ÑDEM NE A HAWA KIISA WĒNNAAM



Tõnd ka segd n kelg a Sutāan koεg abada.

Wēnnaam Sēn-Ka-Saab talla ninsaal n ti ning 5
Eden zēedā zīig puga, t'a ko-a la a ges a yelle. La
Wēnnaam Sēn-Ka-Saab kōo ninsaal noor n yeele: «Fo
tōe n du tus nins fāa sēn be zēedā zīig pugē wā biisi.»
Bāmb leb n yeela ninsaala: «Yaa tug ning sēn kitd ti
ned bāng wēnga, ne sōmb n bakā biis bal la fo ka tog n
di. Bala, daar ninga fo sēn na n di ti-kāngā bilā, fo na n
kiime.» —Singre 2:15-17

WAAFĀ, SĒN BOOND ME T'A SUTĀANA, KIUSA
WĒENNAAM NOORĀ, LA A YAG ZIRI.

Dē, waafā yeela pagā yaa: «Yāmb ka na n tol n ki ye!»
Pagā gesame ti tugā biis yaa sōama ti ri, la a bee neer
ti gese, la a yaa tug sēn wat ne ratem ti ri n paam yam
vēnegre. Dē, pagā yāka tugā bil n di, la a kō a sidā sēn
dag n be ne yēnda wā me t'a ri. —Singre 3:4, 6

6 A ADEM NE A HAWA DA KA TŌE N KET N VI ZĒEDĀ ZĪIG PUGĒ YE



Wēnnaam Sēn-Ka-Saab riga yēnda n yīs zēedā zīigē, n kit
ti b ko tēn-gāongā sēn yaa zīig ning b sēn yāk tomā n maan
bāmbā. . . b ninga Serubē-rāmb Edēn zēedā zīig yāanga, ne
suug sēn wit bugum. . . n gūud zēedā zīigā sor ning sēn dabd
tug ning biis sēn kōt vumā sēnē wā. —Singre 3:23, 24

A ADEM NE HAWA SĔN MAAN 7
YEL-WĒNA YU SŪ-SĀANG
KĀSENG DAAR NINSAALBĀ BUUD YĪNGA



... a wa yel-wēna sēn wa dūni ned a yembr maasem yīngā, ti yel-wēnā wa ne kūm, ti nebā fāa kiidē.... —Rom-dāmbā 5:12

Būmb d sēn segd n tēege

Ninsaal buudā fāa roga ne yel-wēna, la ti yaa moasā wall kaosda, a na n kiime, bala, yel-wēnā wata ne kuum. (Lebg-y n karm-y Rom-dāmbā 5:12).

**8 SOR WĒNNAAM SĒN MAAN TI FĀAG
TŌND NE YEL-WĒNA YU TI TUM B
BI-RIBL YĒNGĀ TŌND YĪNGA**



**«Yēnda na n doga
bi-ribla, la fo na n
puda a yuur t'a Zeezi.
Yaa yēnda n na n yols
b nebā ne yel-wēnā.»
—A Matye koe-noogo 1:21**

**Ti kē ninsaalbā buud soka, Wēnnaam
Bi-riblā da segd n lebga bi-pɛɛlga.**

**Bala, Wēnnaam sēn yaa būmb ningā fāa, Kiris me yaa a
woto b yīngā pugē.**
—Koloos-rāmbā 2:9

A ZEEZI YAA WĒNNAAM-SĒN PUK NE NINSAAL YĪNGA

9

Hal singr wēndē, gomdā dag n beeme, la gomdā dag n bee ne Wēnnaam, la gomdā yaa Wēnnaam. B kitame ti gomdā rik yīng n zīnd tōnd suka... —A Zā koe-noogo 1:1, 14a

Bōn-kāens fāa maaname ti Zu-soabā sēn dag n gom ne b no-rεεsā noorā paam pidsgu: Ade, pa-kuil na n dika puga, n dog bi-ribla, la b na n puda a yuur ti Emanuwelle, sēn dat n togs ti <Wēnd-be-ne-do.> —A Matye koe-noogo 1:22, 23

Bala, b roga biig n kō-do, b kōo tōnd bi-ribla. B kōo yēnda noor t'a na n soog soolem. La b na n boonda yēnda ti sagend sēn yaa sōama wusgo, Wēnnaam sēn tar pānga, ba sēn paad wakat sēn ka sεta, la vi-bāan naaba.

—A Ezayi 9:5

A ZEEZI KIRIS—TÖND MAOONG SĒN YAA SŌAMA ZĀNGĀ



... sĕn *ka maan yel-wĕnĕ*....

—2 Korĕnt-rĕmbĕ 5:21

Bĕmb *ka tol n maan yel-wĕnd ye*....

—1 Płyεεre 2:22

Maoong ba a yembr ninsaal sĕn maand ka ZEMSD sĕn sek tı yiis yel-wĕnd ye.

Bala, lolsĕ ne boeesĕ zum ka tŕe n yiis yel-wĕn lae-lae.

—Ebre-rĕmbĕ 10:4

A Zeezi yaa Wĕnnaam pe-bilĕ. **«Ad Wĕnnaam pe-bilĕ, sĕn yiisd-a dŭni yel-wĕnĕ.»**

—A Zĕ koe-noogo 1:29b

A ZEEZI KŌO B VUMĀ TI FĀAG TŌNDO 11

Nin-wēens kisgr yīnga, b kaa a Zeezi da-ptk zugu. Ne rē fāa b kūumā da bee Wēnnaam saagrā puga. A Zeezi, ne b meng yam-yākre, b kōo b vumā ti fāag tōnd (yāmb la maam) ne d yel-wēnā.

A Zeezi yeelame: «**Ned ka yiisd mam vumā ye, la yaa maam n kit-a m toore. Mam tara pān-tōog ti kis-a, la m tara pān-tōog me ti leb n deeg-a yεsa....**» —A Zā koe-noogo 10:18

B RAA TŌND NE WĒNNAAM PE-BILĀ ZUM

...Ka ne bōn-sāamds sēn wēnd ligdi, wall sānem,...la yaa ne Kiris zumā sēn yaa sōama wusgā, Kiris yu wa pe-bil sēn ka tar yelle, la sēn ka tar bānde.... —1 Pt̄yεεre 1:18, 19

MAOONG A TO BA A YEMBR KAE SĒN TŌE N YIIS YEL-WĒNĀ YE

...la tōnd paam welgr n lebg toore, a Zeezi Kiris sēn kō b meng vugr tāa wakat fāa yīngā yīnga. —Ebre-rāmbā 10:10


12 ...tõnd sēn paam zemsg Kiris zumā raagr yīngā, tõnd kōn pōs Wēnnaam sū-yikr bāmb maasem yīng n yud sida? —Rom-dāmbā 5:9

«...Yāmb sā n wa n deeg y naamā, bi y tēeg mam yelle.»
—A Luk koe-noogo 23:42



Nin-wēeng-
kāng tē a
Zeezi la a
paama
fāagre.

«...Mam yeta
foom sid-sid ti
rūdā bala, fo
na n zīnda ne
maam Paradi
puga.» —A Luk
koe-noogo 23:43



Nin-
wēeng-
kāng pa
tē a Zeezi
ye, woto
yīnga a
ka paam
fāagr ye.

Wakat ning tõnd sēn dag n ket n yaa yel-wēn-maandba
[Wēnnaam kusdbā], **Kiris kii tõnd yīnga....** —Rom-dāmbā 5:8

**NEB NINS FĀA SĒN TĒED WĒNNAAM
BI-RIBLĀ TARA VUM**

13

**«Bala, Wēnnaam nonga dūniyā wusgo,
hal ti b kō b Bi-ribl yendā, ti ned ning
fāa sēn na tē bāmb kōn sāam ye,
la a na paam vum sēn kōn sa.»**

—A Zā koe-noogo 3:16

**Bāmb fāaga tōnd n yiis likā pāngē, n tall-d n kēng b
bi-ribl-nongrā soolmē, soab ning maasem yīng tōnd sēn
paam fāagre*, la yel-wēna sugrā.**

—Koloos-rāmbā 1:13, 14

*Fāagre, rat n yeelame ti b lebg n daa tōnd yesa.



La malɛkã goma ne pagbã n yeel-ba: «Sã n yaa ne yãmba, bi y ra yɛs ye. Mam miime ti yãmb baooda a Zeezi b sɛn ka da-pɩk zugã. Bãmb ka be ka ye. Bala, b vuuga wa b sɛn dag n yeelã. Wa n ges-y zïig ning b sɛn dag n gãe wã.»
—A Matye koe-noogo 28:5, 6

A ZEEZI YIK N BASA KŪUM

15

«Mam yaa dēenem la yaoleem soaba, soab ning sēn vi. Mam dag n kiime, la ad-ma, mam vume, zamaan woo zamaane. Mam tara kūum ne kum-kulg kulen-biisi.» —Vēnegre 1:18

«... Bala, mam vume, la yāmb me na n vumde.»

—A Zā koe-noogo 14:19

A Kiris sēn yaa kūum tōaagdā yīnga, la a zāad a kulen-biisā, tōnd pa segd n zoe kūuma rabeem ye.

Rabeem sã n wa n tar maam daare, yaa yāmb la mam teeg yã.

—Yun-sōamyã 56:4

(Ges-y seb-vã-neng 46 sēn kēed ne Wēnnaam kãabsã.)

A ZEEZI TŌE N FĀAGA YĀMBA, LA A PUUSDA YĀMB YĪNGA

La a Zeezi sēn paad wakat sēn kōn sa wã yīnga,...bāmb tōe n fāag neb nins sēn tūnugd bāmb n kolgd Wēnnaamã hal sōama, bala bāmb vu wakat fāa n yōkd sεεg b yīnga.

—Ebre-rāmbã 7:24, 25

16 YĀMB LA MAAM TŌE N PAAMA VUM SĒN KŌN SA WĀ



**Sor-bug la YĀMB
rikda?**

A Zeezi yaa SOR sĕn
dabd VUM sĕn kŏn sa
ne Wĕnnaam.

A Sutāan yaa sor sĕn
dabd KŪUM sĕn kŏn sa.

Bi-rib-bilf kĕngĕ maana yam yĕk-sŏng sĕn yaa vum sĕn kŏn sa wĕ.

YĀMB YAM-YĀKR YAA BUGO? 17

«... Bao y sēn na n tū a soab rūndā....»

—A Zozoe 24:15

Yāk-y vumā, ti yāmb ne y yagensā tōe n vumde.

—Tōodo 30:19

A ZEEZI YAA SOR SĒN DABD VUM SĒN KŌN SA


Fāagr ka be ne ned a to sã n ka a Zeezi ye. Bala, Wēnnaam ka kō ned yuur a to ninsaalba suk dūniyã zug ti tōnd tōe n tū n paam fāagr ye.

—Tēn-tumbã tuumã 4:12

«Yaa maam bala, maam m yembr bal n yaa Sēn-Ka-Saabo. Sã n ka maam, fāagd a to ka be ye.»

—A Ezayi 43:11

18 BÕE YĨNG LA TÕND SEGD N YĂK A ZEEZI TÕND SĂ N DAT VUM SĔN KÕN SA WĂ?



1. *Yaa a Kiris n wa.*

«...La mam waame ti piisă na paam vum....»

—A Ză koe-noogo 10:10

2. *Yaa a Kiris n nong tōnd n ki tōnd yīnga.*

...Wĕnnaam Bi-riblă, soab ning sĕn kō a vum a toor mam yīngă pugĕ la mam vi.

—Galat-rămbă 2:20

A Zeezi lebga ninsaala, nemd la zum wa tōndo, ...**sĕn na yulg ti ne**

bāmb kūumã, bi b sãam soab ning sēn da tar-a 19
pāng ti ku wã, sēn dat n togs ti sutãanã, la b yols b
rāmb sēn dag n be yembd pugē b vumã tɛka, b sēn zoet
kūumã yīngã. —Ebre-rāmbã 2:14, 15

3. *A Zeezi zumã n yaa tōnd yel-wēnã tum bala.*

«...yaa vum sēn be zumã pugē wã yīng n kit ti zum tōe
n pek yel-wēnã.» —Maan-kuure 17:11

...la bāmb Bi-ribl a Zeezi zumã pekda tōnd yel-wēnã
fãa n yiisi. —1 Zã koe-noogo 1:7

Soab ning maasem yīng tōnd sēn paam fãagre, la
yel-wēna sugrã. —Koloos-rāmbã 1:14



4. *Yaa a Kiris n yik n bas kuumã.*

Tõnd sën mi ti Kiris sën vuug n yi kuum sukã kôn leb n ki wã yĩnga. Kuum ka leb n so bãmb ye. —Rom-dãmbã 6:9

A Zeezi kii nebã fãa yĩnga, ti sën vi-bã kôn leb n vi b mens yĩng ye, la b na n vu sën ki-a bãmb yĩng n vuug n bas kuumã yĩnga.

—2 Korënt-rãmbã 5:15

A Zeezi yeele: «...Bala, mam vume, la yãmb me na n vumde.»

—A Zã koe-noogo 14:19

**5. Rēnd ti tōnd paam Kiris Sugā tōnd pugē
n tōog n vuug vum sēn ka sēta yīnga
(n vi wakat sēn ka sēta).**

21

**...Kiris sēn be yāmb pusē wā, b na n pidsa tēeb
gūudum ning sēn yaa ziirā. —Koloos-rāmbā 1:27**

**La soab ning sēn vuug a Zeezi ti b yi kūum sukā Sug
sā n be yāmb pugē, soab-kānga, sēn vuug-a a Zeezi
Kiris ti b yi kūum sukā na n kōo yāmb yīn-kiidsā me
vum, bāmb Sugā sēn be yāmb pugē wā maasem yīnga.
—Rom-dāmbā 8:11**

BĀNG-Y VĒENEG TI KIRIS SUGĀ VII YĀMB PUSĒ

...Ned sā n ka tar Kiris Sugā, a ka bāmb dēnd ye.

—Rom-dāmbā 8:9

22 A ZEEZI NONGA KAMBÃ FÃA



Dẽ, bãmb deega
kambã n tik-b ne b
nusi, n ning-b barka.
—A Mark koe-noogo 10:16

«A Zeezi nonga maam, mam mii rẽ, bala, Wẽnnaam Sebrã n yet-a maam.»

La a Zeezi kıtame ti b wa ne kambã, la b yeele: 23
«Bas-y kom-bãoonegã ti b wa mam nengẽ la y ra
gidg-b ye. Bala, Wẽnnaam soolmã yaa neb nins sãn
wënd-b bãmbã yĩnga.» —A Luk koe-noogo 18:16

«Woto me, yãmb ba sãn be arzãnã ka rat ti kom-kãensã
ned ba a yembr menem ye [n sãam wall n menem wakat
fãa].» —A Matye koe-noogo 18:14

Baa yãmb sãn yaa ned ninga, bi yãmb zag-gãag sãn be zĩig
ninga, a Zeezi nonga yãmba, la b kii yãmb yĩnga. A Zeezi
ratame ti *yãmb* nong bãmb me. Yãmb tõe n wilg-a a Zeezi
yãmb nonglem y sãn na n sak bãmba.

«Yãmb sã n nong maam, y na n saka mam tõodã.»
—A Zã koe-noogo 14:15

Yaa biig tuumdẽ la b tõe n bãng a yel-manesmã sã n na
n yu sõama la turga. —Yel-bũnã 20:11

24 WĀN-WĀN LA D YĀT SOR SĒN DABD WĒNNAAM NENGĒ WĀ

1. *N sak ti yāmb yaa yel-wēnā soaba*
(ges-y seb-vā-neng a 7).

Sida, nebā fāa maana yel-wēna, n kong Wēnnaam ziirā.
—Rom-dāmbā 3:23

2. *Tū a Zeezi n wa Wēnnaam nengē.*

Bala, Wēnnaam a yembr tāa bal n be, sε-yōakd a yembr
tāa bal n be Wēnnaam ne nebā suka: Yaa rao sēn boond
t'a Zeezi Kirisi.
—1 Timote 2:5

Dē me n kut ti bāmb [a Zeezi] tōe n fāag neb nins sēn
tūnugd bāmb n kolgd Wēnnaamā.... —Ebre-rāmbā 7:25

A Zeezi yetame: «... la mam kōn dig ned baa a yembr sēn
wat mam nengē ye.»
—A Zā koe-noogo 6:37

3. *N tek yam n kos y yel-wēnā sugri.*

(N tek yam n kos sugrā rat n yeelame ti maan m bāngē la n bas yel-wēnā.)

Dē, tek-y yam n kos sugri ti Wēnnaam tōe n yēes y yel-wēnā.


—Tēn-tumdbā tuumā 3:19

...La yaa ti bāmb maanda sū-mar ne yāmba, b sēn ka rat ti ned baa a yembr sāama yīnga. Bāmb ratem yaa ti yāmb fāa tek yam n kos sugri.

—2 Pityeere 3:9

4. *Vēneg n togs a Zeezi yāmb yel-wēnā.*

(N vēneg n togs rat n yeelame ti n togse wall n sak n deeg kongre.)



Tōnd sā n vēneg n togs Wēnnaam d yel-wēnā, bāmb yaa sid soaba la turga ti kō tōnd sugr d yel-wēnā yīnga....

—1 Zā koe-noogo 1:9

26 Guls-y ruls nins sēn pugdã zug 1 Zã 1:9 vērse, sēn be nus nins sēn tēeg n puusdē wã pug seb-vã-neng 25.

5. N bas yãmb yel-wēnã.


(N bas yel-wēnã rat n yeelame ti n yãk yam n da le maan yel-wēnã ye.)

Sēn solgd-a a kongr ka na n paam tōogr ye. La ned sã n vēneg n togs a kongr n bas-a, a paamda nimbãan-zoeere.

—Yel-būnã 28:13

Zãag f meng ne wēnga, n maan neere....

—Yun-sōamyã 37:27



Sid me, yaa Wēnnaam barkā yīng la yāmb paam fāagr tēeb yīnga. Yāmb sēn paam fāagrā, ka ne y mens pāng ye, yaa Wēnnaam kūuni. Ka ne tuum ye, ti ned baa a yembr da wa pēg a meng ye.

—Efēs-rāmbā 2:8, 9

6. *N tē a Zeezi Kirisi.*

Fo sā n kīs Zu-soab a Zeezi kaset ne f noore, la fo sā n tē f sūurē ti Wēnnaam vuuga bāmb n yiis kūum suka, fo na paam fāagre.

—Rom-dāmbā 10:9

... Tē-y Zu-soab a Zeezi, la yāmb ne y yirā rāmb na n paama fāagre.

—Tēn-tumdbā tuumā 16:31

28 7. N reeg a Zeezi Kiris yāmb sūurē wā la
y vumā puga.



Yaa yāmb y yembr bal n tōe n pak y sūurā la y bool-a t'a wa kē. A Zeezi yeelame: «**Ade, mam yasa rignoorē n kabsdē. Ned sā n wum mam koεgā n pak kvlengā, mam na n kēe yēnda roogē n di ne yēnda la yēnda na n du ne maam.**» —Vēnegre 3:20

La neb nins fāa sēn deeg bāmba, la neb nins sēn tēed bāmb yuurā, b kōo bāmb noor ti b lebg Wēnnaam kamba.

—A Zā koe-noogo 1:12

Yāmb sã n zi n maan puusgo, la y rat sōngre, yāmb tōe n tūu mamsg sēn pugdã:



Zu-soab a Zeezi,

Mam puusda yāmb bark y sēn sak kūumã da-pikã zug ti yiis mam yel-wēnã yīnga. Mam maanda n bāngē ne yel-wēn nins fãa mam sēn maana. Mam kot-y lame ti y kē mam sūurã puga la y vumnd be wakat fãa. Mam kot-y lame ti y yulg mam sūurã. Mam deegda yāmb wa m fãagd la m Zu-soaba.

Ne a Zeezi yuure, Amina.

30 YĀMB SĀ N TARA A ZEEZI Y SŪURĀ PUGA, YĀMB TARA VUM SĒN KŌN SA

...Wēnnaam kōo tōnd vum sēn kōn sa, la vi-kāng bee b Bi-riblā pugē. Ned ning sēn tar-a Bi-riblā tara vumā....

—1 Zā koe-noogo 5:11, 12

«...Ned ning fāa sēn kelgd mam goamā, la a tēed sēn tum-a maamā... a yii kūumē n kē vumē.» —A Zā koe-noogo 5:24

Yīngā sā n ki, yāmb paada ne Zu-soabā (2 Korēnt-rāmbā 5:8).
...Kiris sēn be yāmb pusē wā, b na n pidsa tēeb gūudum ning sēn yaa ziirā (Koloos-rāmbā 1:27).

Yāmb sā n kosa a Zeezi ti b kō yāmb y yel-wēnā sugri, yāmb sā n dik Zu-soaba a Zeezi Kiris wa yāmb Fāagda, guls-y y yuur la sondre tēgr ka:

TŪUDA A ZEEZI WAKAT FĀA WĀN-WĀNA 31



Daar fāa, karm-y Wēnnaam Sebrā vers rāmb kēere, bīng-b y sūurē wā y sēn na n zāmsd vers rāmb toor zall sēn na n song yāmba. (Seb-bil-kāngā tar-ba wusgo.)

Wēnnaam n kit ti b guls guls-sōamyā fāa, la b bee yōod zāmsg yīnga [yāmb sēn tēed būmb ningā], ti kit ti ned bāng a kongre, ti rem s neda, ti wub ned tirlem pugē. —2 Timote 3:16

32 GOM-Y NE A ZEEZI PUUSG PUG BAA SĒN YAA WAKAT NING FĀA



Puus-y-yā a Zeezi bark vuma bōn-sōamyā wā fāa yīnga. *Pēg-y-b* y sēn maan būmb nins yāmb yīngā, la b sēn fāag yāmb sugā. *Kos-y-b sēn kēed ne būmb nins fāa yāmb sēn datā.* Puus-y ne a Zeezi yuure.

Tōnd sā n kos būmb sēn zems ne bāmb daabo, b kelgda tōndo. —1 Zā koe-noogo 5:14
«...būmb ning yāmb sēn na n kos m ba, b na n kōo yāmb mam yuūrā yīnga.»

—A Zā koe-noogo 16:23

...La y puus taab yīnga.... —A Zak 5:16

«...La y puus neb nins sēn maand yāmb wēngā, la sēn namsd yāmbā yīnga.»

—A Matye koe-noogo 5:44

PUUSG A ZEEZI SĒN ZĀMS B KAREN-BIISĀ

33

(Karen-biig yaa ned sēn tūud a Zeezi.)

A Zeezi yeela a karen-biisā ti b puus woto:

«...Tōnd ba sēn be arzāna, bi yāmb yuurā paam waoogre, ti yāmb soolmā wa, ti yāmb daab maan tēng zug wa sēn maand arzānā. Kō-y tōnd d daar woo daar dubā dūndā. Kō-y tōnd sugr d beegr yīnga, a wa tōnd me sēn kōt d bεεgdbā sugrā. Da bas-y tōnd ti d kē makr pugē ye. Fāag-y tōnd wēng soabā nugē, [ti yāmb n so soolem la pānga la waoogre, wakat sēn kōn sa. Āmina!]

—A Matye koe-noogo 6:9-13

Zāms-y puus-kāngā ne zugu. Tēedbā minim n naagda taab n maand puusg-kāngā n zēkd b koεga.

34 WĒNNAAM TŌOD PIIGĀ ZĀMSDA TŌND D SĒN SEGD N VLUMD TO-TO

(Yikri 20)

*Pipi tōod a naasā gōmda ne tōnd tōnd nonglem
ne Wēnnaam*

1. «Ra bao wēnnaam-dāmb a taaba, sā n ka
maam bal ye.»
2. «Ra maan bōn-naandg sēn wēnd būmb ye...
Ra wōgemd bōn-kāens taoor n waoog-b ye.»
3. «Ra pud Sēn-Ka-Saab sēn yaa fo Wēnnaamā
yuur zaalem ye.»
4. «Tēeg vuusg daarā yelle, n kit t'a yɪ daar sēn
welg toore.»

*Yaolem tōod a yoobā gomda ne tōnd, tōnd nonglem
ne ninsaalā*

WĒNNAAM TŌOD PIIGĀ (SĒN KĒNGD TAOORE)

35

5. «Waoog y ba la y ma.»
6. «Ra ku ned ye.»
7. «Ra yo ye» (Yoob yaa rao sēn na n zāmb n pag ne pag a to bi pag sēn na n zāmb a sid ne rao a to.)
8. «Ra zu ye.»
9. «Da kis kaset sēn yaa zirē n dōd f to ye.»
10. «Ra maan sū-kiir...ne būmb ning fāa sēn yaa fo to rēnd ye.»

WĒNNAAM SAKR WATA NE TŌND PUUSGĀ LEOKRE

Tōnd sēn kot būmb ning fāa, bāmb kōta tōndo, tōnd sēn sakd bāmb tōodā la d maand sēn tat bāmb yamā yīnga.

—1 Zā koe-noogo 3:22

Nonglem Wēnnaam yīnga

1. A Zeezi leoka yēnda n yeele: «Nong Zu-soaba fo Wēnnaam ne f sūur fāa, la ne f sugā fāa, la ne f tagsgā fāa.» Yēnda n yaa pipi tōogo, n leb n yud b fāa.

—A Matye koe-noogo 22:37, 38

Nonglem ninsaal yīnga

2. La tōog a to me sēn pugd yēnda n yaa kāseng wa yēnda: «Nong f to wa f menga.»

—A Matye koe-noogo 22:39

Tōod piigā fāa (seb-vāo-nems 34 ne 35)
bee tōod kasems bāmba a yiibā puga.



NONGLEM N YAA BŪMB SĒN YAA KASENG N YILDA

37

«Nonglem sapitr» kāsengā

(1 Korēnt-rāmbā 13:1-8, 13)

¹Mam sã n tōog n gomd ninsaalb la malegsã goam buud fãa, mam sã n ka tar nonglem, mam yaa wa waag sēn maand buure, wall keonf sēn wēeda. ²La mam sã n paam pīnd-n-bāngr goam kūuni, la yel-soalma fãa bilgri, la bāngr fãa, la hal baa mam sã n tar tēeb sēn tōe n sers tāmse, mam sã n ka tar nonglem, mam ka fi.

³La mam sã n dik n paoongā fãa n pu [n kō] ti naong rāmbā tōe n paam rubo, mam sã n kō m yīngā ti b yōog bugum, mam sã n ka tar nonglem, rē fãa ka yōod ye.

⁴Nonglem tara [maanda] sū-mare, nonglem sōngda neb a taaba, a ka maand sū-kiir ye. Nonglem ka fuumd a

38 menga, a ka maand wilg-m-menga, ⁵a ka maand zāmb baa bilfu, a ka baood a meng nafr bal ye, a ka yikd a sūuri, a ka bīngd wēng ning b sēn maan-a wā a sūurē ye, ⁶a ka maand sū-noog ne ka-tirlem ye [wēng ye]. Ayo! A maanda sū-noog ne sida, ⁷a maanda sugr būmb fāa yīnga, a tēeda būmb fāa, a tara saag-sōng ne būmb fāa, la a sakda būmb fāa. ⁸Nonglem ka sət abada. Pīnd-n-bāngr goam na sa, gom-zēn na sa, bāngr na sa. ¹³Moasā, ad būmb a tāab nins sēn paadā: yaa tēebo, la saag-sōngo, la nonglem. La sēn yaa kāseng bāmb suk n yudā, yaa nonglem.

WĒNNAAM YAA NONGLEM

...Wēnnaam yaa nonglem. Ned ning sēn be nonglem pugē, a bee Wēnnaam pugē, la Wēnnaam bee yēnda soab pugē.

—1 Zā koe-noogo 4:16

A ZEEZI RATAME TI YĀMB KĪS BĀMB KASET NE NEBA A TAABA

39

(zakē, lekollē, Wēnd doogē,
zīiga fāa)

A Zeezi yeelame: «**Lebg
n kuil f nebē wā n ti wilg
būmb nins fāa Zu-soabā
sēn maan n kō foomā, la
b sēn zoe fo nimbāaneg
to-to.**»

—A Mark koe-noogo 5:19



40 WĒNNAAM BIIG SĪD-SĪD BĀNGDA WĀN-WĀNA

«Yāmb sā n nong taaba, nebā fāa na bāng ti yāmb yaa mam karen-biisi.» —A Zā koe-noogo 13:35

La Sug-sōng bilā yaa nonglem, la sū-noogo, la bāane, la sū-mare, la sōmblem, la maan-neere, la maan-sida, la bugsem, la yōk-m-menga. —Galat-rāmbā 5:22

WĒNNAAM BIIG SĪD-SĪD KŌTA NEBA A TAABA SUGRI

«Yāmb sā n kō nebā sugr b beegr [kongr] yīnga, yāmb ba sēn be arzānā na n kōo yāmb me sugri.» —A Matye koe-noogo 6:14

BŪMB A 7 WĒNNAAM SĒN KISI

Yaa titaam-gesgo, ne zelemd sēn gomd zīrē goamā, la nus sēn daagd buum soab zum, n paas sūr sēn tagsd n dat n maan wēnga, ne nao sēn yāgd n na n ti maan wēnga, la kaset zīrē soab sēn yagd zīrē, ne ned sēn wat ne zab ba-biis ne taab suka.

—Yel-būnā 6:17-19

Sug-sõng
bila

Yīnga
tuumā



YĪNGĀ RATEM TUUMA:

41

... Yoobo, rēgdo [neb a yiib sēn nan ka kē kāadem lagem-n-taare], tuum-wēns maanego, wēn-naands puusgo, tum, beem, ka-wumd-taaba, sū-kiiri, sū-yikri, nokoεma, welgre, yi-taaba, zoe-bōne, rā-tigre, yāo-beedo, la būmb sēn wēnd a woto... Neb nins sēn maand bōn-kāensā kōn paam Wēnnaam soolem ti yi b puur ye.

—Galat-rāmbā 5:19-21


Yāmb zi ti... raopā wall pagb sē gāe taabā, wagda wā, yāo-beed dāmba....

—1 Korēnt-rāmbā 6:9, 10

BAS-Y T'A ZEEZI KĒ YĀMB PUSĒ NE B SUGĀ LA B YILG YĀMBA

Yāmb neb kēer yaool n dag n yaa a woto. La yāmb paama pekre, b kitame ti yāmb lebg sōama [n paam yilgre],... tōnd Zu-soab a Zeezi Kiris yuurā maasem yīnga, la ne tōnd Wēnnaamā Sug pānga.

—1 Korēnt-rāmbā 6:11



(Karm-y A Luk koe-noogo
16:19-26.)

Bāng-y ti yāmb kīs-sīdā
bee a Zeezi pugē. B na n
gulsa yāmb yuurā Bāmb
Vum Sebrā puga.

B loba ned ning fāa
b sēn ka yā a yuur ti
guls vum sebrā pugē
wā bugum ko-kāsengā
puga. —Vēnegre 20:15

A ZEEZI YAA SOR NING BAL SĔN DABD WĔNNAAM NENGĔ

43

... Wĕnnaam kōo tōnd vum sĕn kōn sa, la vi-kāng bee
b Bi-riblā pugĕ. —1 Zā koe-noogo 5:11

Bala, yel-wĕnā yaood yaa kūun, la kūun ning Wĕnnaam
sĕn kōt zaalmā yaa vum sĕn kōn sa, tōnd Zu-soab a
Zeezi Kiris pugĕ. —Rom-dāmbā 6:23

Ned ning sĕn tēed-a Bi-riblā tara vum sĕn kōn sa. La ned
ning sĕn kUSD-a Bi-riblā kōn paam vi-kāng ye, la Wĕnnaam
sū-puugrā na n ta-a lame. —A Zā koe-noogo 3:36

A Zeezi yeela yĕnda yaa: «Maam la sore, la sida, la
vum. Ned baa a yembr ka tōe n wa m ba nengĕ ti ka tū
ne maam ye.» —A Zā koe-noogo 14:6



A Zā vēnegrā togs Vēnegre 21 pugē, a yāa yīngr paalga, la dūni paalga.

«Wēnnaam na n yēesa nintām fāa sēn be b ninē wā. Kūum kōn leb n zīnd ye, la sū-sāang wall yābre, wall toog kōn leb n zīnd ye. Bala, dēenem būmbā fāa loogame. Ned ning sēn zao geerā yeelame yaa: Ade, mam maanda būmbā fāa paalse....» —Vēnegre 21:4, 5

A Zā me yāa Tēn-sōngā, Zeruzalem paalgā sēn yit arzānā, Wēnnaam nengē n sigda. ...La tēngā yaa sānem halaal sēn wēnd wa vεεr halaale. Tēngā lalgā yēbgrā rag n nagsa ne kug buud fāa sēn be yōodo.... —Vēnegre 21:18, 19

A ZEEZI KĒNG NA N TI SEGLA ZĪIG B 45 RĀMB NINS FĀA SĒN TĒED BĀMBĀ YĪNGA

«Da sak-y ti y sūyā sāam ye. Tē-y Wēnnaam, la y tē maam me. Rot wusg be m ba wā yiri, sā kaē dē, mam dag n na n yeela yāmba. Bala, mam dabdame n na n ti segl zīig yāmb yīnga. Dē, mam sā n kēng n ti segl zīigā yāmb yīnga, mam na n lebg n waa n peega yāmba, ti maam sēn be zīig ningā, bi yāmb me zīnd be.»

—A Zā koe-noogo 14:1-3

TOGS-Y KOE-NO-KĀNGĀ NEBA A TAABĀ

La a Zeezi yeela bāmb yaa: «Saag-y dūni tɛk fāa n moon nebā fāa koe-noogā.» —A Mark koe-noogo 16:15

... La yam soab paamda nebā.

—Yel-būnā 11:30

KĀABS KĒER WĒNNAAM SĒN KĀAB B KAMBĀ YĪNGA

«... Mam ka na n bas foom f yembr ye, la m ka na n loog n bas foom ye.» —Ebre-rāmbā 13:5

Bala, bāmb na n kitame ti b malegsā gū foom f kēnā fāa puga. —Yun-sōamyā 91:11

«... La ned baa a yembr ka tōe n yiis-b m ba nugē ye.» —A Zā koe-noogo 10:29

«... Mam bee ne yāmb wakat fāa, hal ti ta wakat sεεbo.» —A Matye koe-noogo 28:20

«Da maan-y rabeem ne namsg ning y sēn na n namsā ye.... Kell-y n maan-y neer hal ti ta kūum, la mam na kō yāmb vum maanfo.» —Vēnegre 2:10


«Bool maam ti m na n leok-f lame....» —A Zeremi 33:3



Ned kam fãa na n vuugame.

«... Bala, wakat n wat ti neb nins fãa sãn be yaadẽ na n wum bãmb koεga. Neb nins sãn maan neerã na n yiime n paam vuogr la vum. Neb nins sãn maan wẽngã na n yiime n paam vuogr la buudo.»

—A Zã koe-noogo 5:28, 29



Sãn ki-b Kiris pugẽ wã na n deng n vuugame.

Sãn pugda, b na n lagma tønd sãn ket vi wã ne bãmb n zẽk sawat pose, ti d seg Zu-soabã yĩngri. La woto, tønd na n bee ne Zu-soabã daar fãa.

—1 Tesalonik-rãmbã 4:17

«... Neend-y-yã, bala, yãmb ka mi ra-kãng sãn na n wa wakat ning ye.»

—A Mark koe-noogo 13:33

48 WǎN-WǎN LA A ZEEZI NA N LEBG N WA?



Ade bāmb wata ne sawato. Ninsaal fāa na n yānda bāmba.... —Vēnegre 1:7

Gūus-y y mens ne zīrē kiris rāmbā la zīrē no-rēesdbā (porfet-rāmbā).

«Dē, ned sā n yeel yāmb tı Kirisā bee ka wall ka sēnē, bı y ra tē a soab ye. Dē, b sā n yeel yāmb tı ad Kirisā bee we-rasempuugē wā, bı y ra kēng ye, wall ad b bee roogē wā, bı y ra tē ye.» —A Matye koe-noogo 24:23, 26

A ZEEZI NA N YII YINGR SAASĒ N WA TAO-TAO

«Sıda, a wa sa-yāgb sēn yit yaang n yāg n tāagd nin-taorā, Ninsaal Bi-riblā waoong me na n yu a woto. Wakat-kānga, Ninsaal Bi-riblā bānd na yaool n puk saasē. Buud nins fāa sēn be dūniyā zugā neb na n wiisame, la b na n yānda Ninsaal Bi-riblā sēn zao sawat n wat ne pān-kāsenga la ne ziiri.» —A Matye koe-noogo 24:27, 30

PE-KUMĀ YUUN-SŌNGO

(Yūn-sōamyā 23)

¹**Sēn-Ka-Saab** yaa mam pe-kuma, būmb kōn paoog maam ye. ²Bāmb gānegda maam yam-maas zīigē, bāmb teta maam n kēnd ko-bundum zīigē. ³Bāmb leb n manegda mam vumā, bāmb tallda maam n kēnd tɪlem soay zutu, bāmb yuurā yīnga.

⁴**Baa** mam sã n kēnd tãng long sēn yaa lik bida puga, mam kōn zoe būmb ba a yembr dabeem ye. Bala, yāmb bee ne maam. Yāmb gulgã ne y rasaanã paasda maam daodo.

⁵Yāmb kōta maam dubo, tɪ mam bæbã getē. Yāmb sudgda mam zug kaam, mam wamd pidame n daagdē.

⁶**N-yēe! Sōmblem** ne maan-neer na n yāaga maam, hal n tãag m vumā tɛka. La mam na n paa Sēn-Ka-Saab roogē wã, hal n tãag m yōor tɛka.

Published in numerous languages by World Missionary Press, Inc.,
as God supplies funds in answer to prayer. **For questions or more
information by country, visit: www.wmp-contacts.org**

Yaa zaalem — Ka segd n koos ye

World Missionary Press, Inc.
PO Box 120
New Paris, IN 46553-0120 USA
www.wmpress.org

12-25



Read booklets online or by App
www.wmp-readonline.org
2324 Moore WTG